



**CL. V. Ioannis Wamesii, I. C. Celeberrimi, In Academia
Lovaniensi Antecessoris Primarii, Responsorum Sive
Consiliorum De Ivre Pontificio Tomus ...**

Wamesius, Johannes

[S.l.], 1643

Erycipvteani, Professoris Et Historiographi R. Serenissimis Belgarum
Principibus A Consiliis, Ad Cl. V. Steph. Weymsium I. V. Doctorem, Et
Antecess. Primar. Epistola.

[urn:nbn:de:hbz:466:1-98716](https://nbn-resolving.org/urn:nbn:de:hbz:466:1-98716)

ERYCI PVTEANI,
PROFESSORIS ET HISTORIOGRAPHI R.
SERENISSIMIS BELGARVM PRINCIPIBVS
A CONSILIIS,
AD CL. V. STEPH. WEYMSIVM
I. V. DOCTOREM, ET ANTECESS. PRIMAR.
EPISTOLA.

CLARISSIME VIR,



ERRANT, meo iudicio, qui Avunculum tuum IOAN. VVAMESIVM, Clarissimum Themidis Antistitem, ante tot jam annos extinctum arbitrantur. Vivit enim etiam num, qui loqui; loquitur, qui vivere pridem desijt, & de iure, quod pauci faciunt mortui, respondet. Docet etiam, & quâ solet facilitate, publicè privatimque

Legum enigmata solvit.

Tua hæc pietas, CLARISSIME VVEYMSI, & in parte fama est: quia scripta nunc iterum, & RESPONSA tanti Viri producis, in quibus ipse sibi superstes erit, quam diu aut æquitas apud homines, aut ratio, aut Iustitia coletur. Erit, inquam, quem fuisse nemo dixerit, nisi & esse confiteatur. Bonum factum: videmus ingenij, doctrinæ, facundiæ rarioris dotes: videmus ipsum, quem Schola hæc nostra admirata est, omnis porro & Academia, & Causa, & Curia admirabitur. Veniat Professor Iuris; ex hoc volumine, velut fonte hauriet, quod cum fructu in Auditores derivet. Veniat Patronus, sive *συνηγορος*; hinc intelliget, quid plerisque in causis Rei Clientisve æquitatem iusto ac solido pondere stabiliat. Denique veniat Iudex; hinc discet, quid albo, nigroque dignum calculo sit; quid mitem, aut severam litis sententiâ mereatur. De auctoritate verò nihil jam addo. Qui VVAMESIVM novit, omnia ejus dicta & dogmata sequi malit, quàm expendere; amplecti, quàm in controversiam vocare. VVAMESIVS est, & hoc satis: ille Prudens, ille Doctus, ille Facilis, & Facundus. An plura? Belgicus ille, velut Delphicus gemini Apollo Iuris. Hic Apollo est, sed tripodem suum jam ubique habet,

potiorâque Delphis

Supplicibus latè populis Oracula pandit,

Acque suas ad signa jubet revirescere lauros.

Oracula voco, quæ CONSILIA inscripta: Oracula quippe Responsa, & ex eadem ingenij, judicijque cortinâ. Quàm enim docta, tam vera sunt; quàm varia, tam pulchra; quàm operosa, tam clara. Alibi tenebræ; hic Themis Phœbum suum habet, & extra nubem est. Quodcumque sorte obtigit argumentum, ut scriptum, ita illustratum est, & à se quoque radios mittit. Igo sanè his me capi, etsi à foro alienum, fateor: capietur, quisquis

horum

horum magis studiorum est, visurus velut in Astræ speculo, quæ rerum inter homines controversarum lure munita veritas.

*Quis color, & quod sit cause genus, atque ubi summa
Quæstio, quæ veniant diversa parte sagittæ.*

Benè igitur adhuc videmus, audimus Virum, qui præluce Academiæ huic pergit, & benè de humano genere mereri. Præluces ipse, Clarissime Amice, simulque munus ac personam tanti Viri, panè nomen sustinens, VVEYMSIVS VVAMESII. Hujus evulgas scripta, cùm tua possis: ut sic quidem pari pietate, ac modestiâ uti videaris; tua premens, aliena promens. Tua poscimus, VVAMESII plura & plura à te expectamus: quæ & ipsa novis laboribus quodammodo tua facis. Vale, Vive, & ne umquam moriaris, concede saltem doctissimis filiis tuis MICHAELI, PETRO & IVSTO, ut parenti impendant operâ, quam tua pietas Avunculo persolvit. Lovani in Arce, 111. Eid. Iulias, ∞. 16c. XVIIII.

EPISTOLA AMPLISS. ET CL. V. DOMINI

BERNARDI DE PVTEO

V. I. DOCTORIS ILLVSTRIS.

simi Principis Electoris Trevirensis, necnon Serenissimorum
Archiducum Belgij Principum Consiliarij,

AD EVMDem CL. V. STEPH. VVEYMSIVM,

I. V. D.

CLARISSIME ET CONSVLTISSIME VIR, Literas Claritudinis tuæ recepimus, unâ cum altero Tomo Responsorum Domini IOANNIS VVAMESII quondam Iuris consultissimi, & in florentissima Lovaniensi Academia, dum viveret, Antecessoris primarij ac primum quidem Claritudini Tuæ gratulor; quod à Serenissimo Principe ac Domino, D. FERDINANDO Archiepiscopo, & Electore Colonienfi, utriusque Bavarie Duce, &c. Domino meo Clementissimo tam clementer audita fuerit in salutatione ac manuum exosculatione, insuperque benignissimo responso Serenissime Celsitudinis, in spem certam erecta consequendi eius, quod ex usu vel occasione, vel Claritudo tua, vel eius filij aliquando appetere volent. De quo Claritudo tua nil dubitare debet, cum propria hæc sit Serenissime Celsitudinis inter multas & magnas virtutes tanto Principe dignas, promissorum tenacem, & de Republica benè meritorum honore ac promotione sollicitum esse. Gratias deinde ago Claritudini tuæ, quod mihi copiam alterius Tomi Responsorum D. VVAMESII miserit, quem pro ratione temporis perlegi, eundemque stylum, eruditionem, argumentorum copiam & exactissimum iudicium (quæ ex priore Tomo iam anteluxerunt) gaudens & lætus intellexi. ut enim ille D. VVAMESIVS vivens oraculum penè fuit totius Belgij, & vicina Germania inferioris: ita tunc quidem elucubrationes illius paucissimis vel solis clientibus usui fuere; sed nunc Claritudinis tuæ sedulâ operâ & diligentia fit, ut etiam post fata toti Orbi Christiano multo amplius proficiant ac prosint; ac proinde verè dici possit, ipsi contigisse studio Claritudinis Tuæ, quod de Samfone refertur, quod moriens plures inimicorum occiderit quam vivens. Nam Clarissimus hic Vir VVAMESIVS plures iam mortuus editione hac posthuma docet atque instruit, quam in vita existens docere vel instruere cogitavit. Neque verò quisquam tam parum in Iurisprudencia aut foro versatus est, vel ad culmen illius tam propè pervenit, quin plurimum utilitatis & voluptatis ex lectione ejusmodi Responsorum percipiat, cum omnia ex media penè Republica oblata, quotidiana, magnique momenti negotia in illis tam accurato iudicio sint discussa & examinata, ut nemo ab ipsis nisi doctior discedere possit. Nemo interim est, qui non plurimum quoque debeat Claritudini Tuæ de communicatis his & publicatis responsis, præsertim quod etiam redacta sint in ordinem certum (qui Indicis vice esse potest) & singulis

Kkk 4

præposit.